

Headline	Gabungan bil air, IWK dilaksana tahun ini		
Media Title	Harian Metro		
Date	17 Jan 2019	Color	Full Color
Section	Setempat	Circulation	112,705
Page No	23	Readership	338,115
Language	Malay	Article Size	146 cm ²
Journalist	N/A	Ad Value	RM 5,729
Frequency	Daily	PR Value	RM 17,187



Kuala Lumpur: Penggabungan bil bekalan air dengan bil pembedungan Indah Water Konsortium Sdn Bhd (IWK) dijangka dapat dilaksanakan sepenuhnya pada tahun ini.

Menteri Air, Tanah dan Sumber Asli, Dr A Xavier Jayakumar berkata, perbincangan dilakukan ketika ini antara Suruhanjaya Perkhidmatan Air Negara (SPAN), IWK dan kerajaan negeri mengenai mekanisme untuk melaksanakan penggabungan bil itu.

Katanya, kejayaan penggabungan bil air dan IWK di Labuan akan dijadikan panduan dalam pelaksanaannya di negeri lain.

“Selepas penggabungan bil air dan IWK di Labuan dilaksanakan, kita mendapati ada peningkatan dalam hasil kutipan kedua-dua bil itu sehingga 94 peratus.

“Ini menunjukkan penggabungan kedua-dua bil itu

Gabungan bil air, IWK dilaksana tahun ini



DR Xavier

tidak menimbulkan masalah kepada pengguna, walaupun kita menerima maklum balas negatif, di samping positif, mengenai perkara ini,” katanya pada sidang media Majlis Menandatangani Memorandum Persefahaman (MoU) antara Institut Penyelidikan Perhu-

tanan Malaysia (FRIM) dengan IWK di sini, semalam.

Turut hadir Ketua Pengarah FRIM, Datuk Dr Abd Latif Mohmod dan Ketua Pegawai Eksekutif IWK, Faizal Othman.

Pada September tahun lalu, Xavier dilaporkan berkata, penggabungan bil bekalan air bersama bil pembedungan IWK mungkin dilaksanakan di Selangor, Pulau Pinang dan Kuala Lumpur susulan kejayaan di Labuan dua tahun lalu.

Sejak 1994, IWK mengambil alih perkhidmatan pembedungan daripada semua pihak berkuasa tempatan (PBT) kecuali Kelantan, Sabah, Sarawak, Majlis Bandaraya Johor Bahru dan Majlis Perbandaran Pasir Gudang.